

BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE	BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ
Fehima efendiće Ćurčića br.6, 71000 Sarajevo		
Id broj: 4201159630005		

**Broj: 01-04-6-02820-4/2021**  
**Sarajevo, 9.7.2021. godine**

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-02820-3/2021 od 9.7.2021. godine, Direktor Federalne uprave za inspeksijske poslove u ime ugovornog organa, donosi,

## **O D L U K U**

**o izboru najpovoljnijeg ponuđača i dodjeli ugovora o nabavci roba – kancelarijski materijal**

### **Član 1.**

Prihvata se preporuka komisije za javne nabavke uprave broj 01-04-6-02820-3/2021 od 9.7.2021. godine, te se ugovor o nabavci roba – kancelarijski materijal po provedenom postupku konkurentskog zahtjeva za dostavljanje ponude uz primjenu e-aukcije dodjeljuje ponuđaču „Elkom“ d.o.o. Vitez.

### **Član 2.**

Ugovor sa ponuđačem „Elkom“ d.o.o. Vitez, zaključit će se pod sljedećim uslovima:

- Ukupna cijena bez uračunatog PDV-a 13.100,00 KM, odnosno 15.327,00 KM sa uračunatim PDV-om
- Isporuka roba će se vršiti sukcesivno u skladu sa potrebama Ugovornog organa u roku od 3 (tri) dana od dana prijema pismene narudžbe
- Mjesto isporuke roba je sjedište ugovornog organa u Sarajevu, Fehima ef. Ćurčića broj 6
- Ugovor će se zaključiti na period od 1 godine, i to od 30.9.2021. do 30.9.2022. godine
- Rok plaćanja je 30 dana od dana prijema fakture za isporučene robe na protokol Ugovornog organa.

### **Član 3.**

Ponuđač „Elkom“ d.o.o. Vitez je dužan u roku od 5 (pet) dana od dana prijema ove odluke dostaviti uvjerenja nadležnih organa kojima dokazuje sljedeće činjenice:

- uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini
- uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka
- uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje
- uvjerenja nadležnih organa da uredno izmiruje obaveze po osnovu direktnih i indirektnih poreza.

Dokazi iz prethodnog stava ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je

Fehima ef. Ćurčića br.6, 71000 Sarajevo, telefon 033 563 350, fax 033 563 351,  
e-mail: [info@fuzip.gov.ba](mailto:info@fuzip.gov.ba), [www.fuzip.gov.ba](http://www.fuzip.gov.ba)

to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

**Član 4.**  
Ova odluka će se objaviti na web stranici Federalne uprave za inspekcijske poslove.

### **O b r a z l o ž e n j e**

Na osnovu odluke direktora Federalne uprave za inspekcijske poslove broj 01-04-6-02820/2021 od 10.6.2021. godine pokrenut je postupak konkurentskog zahtjeva uz primjenu e-aukcije za nabavku roba-kancelarijski materijal za potrebe Federalne uprave za inspekcijske poslove, čija nabavka je planirana Planom nabavki uprave za 2021. godinu-robe, redni broj 1, a procijenjena vrijednost nabavke iznosi 17.500,00 KM, bez uračunatog PDV-a.

Obavještenje o javnoj nabavci broj 1292-7-1-8-3-6/21 je objavljeno na Portalu javnih nabavki dana 17.6.2021. godine.

Tenderska dokumentacija je učinjena dostupnom potencijalnim ponuđačima na Portalu javnih nabavki, te je ista u skladu sa članom 80. stav (1) Zakona o javnim nabavkama BiH upućena na adresu 3 potencijalna ponuđača.

Dana 6.7.2018. godine izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili sljedeći ponuđači sa pročitanim vrijednostima ponuda:

Naziv/ime ponuđača	Ukupna cijena ponude (bez PDV-a)
„Elkom“ d.o.o. Vitez	18.118,40 KM
„Pčelica-M“ d.o.o. Tuzla	17.322,70 KM
„Svijetlost Sars“ d.d. Sarajevo	17.427,60 KM

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata, kojom prilikom je utvrdila da su naprijed navedeni ponuđači dostavili uredne ponude u skladu sa zahtjevima tenderske dokumentacije, te da ne postoje razlozi za odbacivanje ponude bilo kojeg od ponuđača.

U daljem toku postupka Komisija je izvršila provjeru računске ispravnosti dostavljenih ponuda, te tom prilikom nije utvrdila računске greške u ponudama.

Postupak e-aukcije je zakazan za dan 9.7.2021. godine sa početkom u 9,00 sati i isti je prema izvještaju AJN trajao do 10,12 sati. Komisija je izvršila uvid u Izvještaj o toku i završetku e-aukcije za koju je konstatovano da je uspješno provedena, te je u izvještaju utvrđena konačna rang lista ponuđača koji su učestvovali u postupku e-aukcije, kako slijedi:

Naziv /ime ponuđača	Cijena sa otvaranja (sa PDV-om)	Evaluirana cijena (KM)	Umanjenje cijene u %	Suštinski odgovarajuća ponuda (DA/NE)	Rang
„Elkom“ d.o.o. Vitez	18.117,40 KM	13.100,00 KM	27,69 %	DA	1
„Svijetlost Sars“ d.d. Sarajevo	17.427,60 KM	13.200,00 KM	24,26 %	DA	2
„Pčelica-M“ d.o.o. Tuzla	17.322,70 KM	15.500,00 KM	10,52 %	DA	3

Fehima ef. Čurčića br.6, 71000 Sarajevo, telefon 033 563 350, fax 033 563 351,  
e-mail: [info@fuzip.gov.ba](mailto:info@fuzip.gov.ba), [www.fuzip.gov.ba](http://www.fuzip.gov.ba)

Kako je kriterij za dodjelu ugovora u konkretnom slučaju „NAJNIŽA CIJENA“, komisija je ocijenila da je najpovoljnija ponuda ona koju je dostavio ponuđač „Elkom“ d.o.o. Vitez. Istovremeno je izvršena provjera prihvatljivosti kako pojedinačnih, tako i ukupne ponuđene cijene, kojom prilikom je utvrđeno da je ponuda sa aspekta ponuđenih cijena prihvatljiva, te je dala preporuku direktoru Federalne uprave za inspekcijske poslove da u ime ugovornog organa donese odluku kojom će ugovor o nabavi roba – kancelarijski materijal dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste



DIR E K T O R  
Anis Ajdinović

Dostaviti:

1. „Svjetlost - Sars“ d.d Sarajevo, Muhamedina Kantardžića broj 3, 71000 Sarajevo
2. „Elkom“ d.o.o. Vitez, Divjak bb, Vitez
3. „Pešica-M“ d.o.o. Tuzla, Miška Jovanovića bb, 75000 Tuzla
4. Sektor za materijalno-finansijske poslove
5. Sektor za tehničku podršku i plansko-analičke poslove
6. Komisija za javne nabavke (a/a)

Fehima ef. Čurčića br.6, 71000 Sarajevo, telefon 033 563 350, fax 033 563 351,  
e-mail: [info@fuzip.gov.ba](mailto:info@fuzip.gov.ba), [www.fuzip.gov.ba](http://www.fuzip.gov.ba)